

Na osnovu člana 33. Zakona o osnivanju Nezavisnog operatora sistema za prijenosni sistem u Bosni i Hercegovini („Službeni glasnik Bosne i Hercegovine“ br. 35/04), člana 8. stav 1. Zakona o radu u institucijama Bosne i Hercegovine („Službeni glasnik Bosne i Hercegovine“ br. 26/04, 7/05, 48/05, 60/10, 32/13, 93/17, 59/22 i 88/23), čl. 4. st. (2), (4) i (5), 5., 6., 7. i 8. Pravilnika o radu Nezavisnog operatora sistema u Bosni i Hercegovini (br. 9/17 od 13.02.2017., 35/20 od 19.06.2020 i 59/22 od 12.05.2022. godine), a u skladu sa Pravilnikom o unutrašnjoj organizaciji i sistematizaciji radnih mjesta Nezavisnog operatora sistema u Bosni i Hercegovini (br. 14/23 od 21.03.2023., 24/24 od 15.08.2024. i 12/25 od 10.03.2025. godine), kao i Odlukom o popunjavanju radnih mjesta broj: 02-1786-1/25 od 23.12.2025., Nezavisni operator sistema u Bosni i Hercegovini raspisuje

JAVNI OGLAS za popunjavanje radnog mjesta

01 Stručni saradnik za projekte i studije - 1 izvršilac (u organizacionoj jedinici Sektor za strateško planiranje i razvoj)

01 Stručni saradnik za projekte i studije

Opis poslova:

1. Rukovodiocu Sektora pomaže u organizaciji pripadajuće grupe poslova i implementaciji novih radnih procesa.
2. Prati pozive za dodjelu sredstava iz grantova za međunarodne istraživačke projekte iz djelokruga NOSBiH-a i daje prijedloge rukovodiocu Sektora o mogućnostima i benefitima učešća NOSBiH-a u tim projektima.
3. Koordinira proces apliciranja za učešće u međunarodnim projektima.
4. Koordinira rad sektora u okviru NOSBiH-a u vezi sa međunarodnim istraživačkim projektima, nadzire i kontroliše proces izvještavanja o tehničkim i finansijskim aspektima projekata.
5. Aktivno učestvuje u izradi portfolia strateških i razvojnih projekata te procjeni prioritnosti i opravdanosti predloženih projekata.
6. U skladu sa razvojem Sektora u oblasti tržišta, prijenosa električne energije i upravljanja prijenosnim sistemom daje prijedloge za pokretanje relevantnih studija i prati proces izrade tih studija.
7. Po nalogu rukovodioca Sektora za strateško planiranje i razvoj, obavlja i druge poslove neophodne za efikasno funkcionisanje NOSBiH-a.

Uslovi:

Opći uslovi za poziciju 01 utvrđeni Zakonom o radu u institucijama BiH:

- da ima navršenih 18 godina života
- da je državljanin Bosne i Hercegovine

- da protiv njega nije pokrenut krivični postupak za krivično djelo za koje je predviđena kazna zatvora od tri i više godina ili da mu nije izrečena zatvorska kazna za krivično djelo učinjeno s umišljajem, u skladu sa krivičnim zakonima u Bosni i Hercegovini
- da nije obuhvaćen odredbom člana IX stav 1. Ustava Bosne i Hercegovine
- da je fizički i psihički sposoban za obavljanje poslova radnog mjesta na koje se prijavio kod poslodavca

Posebni uslovi za poziciju 01:

- visoka stručna sprema – univerzitetska diploma iz tehničkih, ekonomskih ili pravnih nauka ili ekvivalentne kvalifikacije
- najmanje 2 godine radnog iskustva u struci
- poznavanje engleskog jezika
- iskustvo u poslovima iz oblasti elektroenergetskog sektora

Napomene:

Za poziciju **01** radni odnos se zasniva na neodređeno vrijeme, uz probni rad od šest (6) mjeseci.

Za poziciju **01** mjesto rada je u sjedištu NOSBiH-a u Sarajevu, Ul. Hifzi Bjelevca 17.

Ne može se primiti ni biti u radnom odnosu osoba koja u mjestu življenja obavlja samostalnu profesionalnu djelatnost, odnosno, koja ima obrtničku radnju ili vlastito preduzeće, kako je naznačeno u članu 11. Zakona o radu u institucijama BiH.

Potrebni dokumenti za poziciju 01:

- prijava kandidata sa kratkim rezimeom motiva za prijavu na javni oglas, biografija (CV), ovjerena kopija diplome, a za kandidate koji su visoko obrazovanje stekli po bolonjskom procesu, uz diplomu i ovjeren dodatak diplomi, ovjerena kopija uvjerenja o državljanstvu koja nije starija od šest mjeseci, ovjerena izjava kandidata da se na njega ne odnosi član IX stav 1. Ustava BiH, dokaz o poznavanju engleskog jezika i dokaz o iskustvu u poslovima iz oblasti elektroenergetskog sektora

Kandidati koji su fakultet završili van Bosne i Hercegovine, odnosno koji su diplomu stekli u nekoj drugoj državi nakon 06.04.1992. godine, obavezni su dostaviti ovjerenu kopiju nostrifikovane/priznate diplome, u skladu sa odredbama Zakona o važnosti javnih isprava u Bosni i Hercegovini („Službeni glasnik BiH, br. 23/04). Ukoliko je postupak nostrifikacije/priznavanja počeo ranije ili je u toku u trenutku prijavljivanja na oglas, kandidat je dužan uz prijavu dostaviti i potvrdu o podnesenom zahtjevu za nostrifikaciju/priznavanje diplome nadležnom organu.

Napomena za kandidata koji bude izabran :

Neposredno pred zaključenje ugovora o radu izabrani kandidat dužan je dostaviti uvjerenje o zdravstvenoj sposobnosti (koje nije starije od tri mjeseca), uvjerenje da se protiv njega ne vodi krivični postupak, uvjerenje o nekažnjavanju, kopiju lične karte i kopiju potvrde o prebivalištu.

Neispunjenje ove obaveze rezultirat će odbacivanjem izabranog kandidata.

S kandidatima koji uđu u uži izbor Komisija za izbor obaviti će razgovor i pismeno testiranje o čemu će odabrani kandidati pravovremeno biti obaviješteni.

Komisija će posebno voditi računa o poštovanju člana 8. stav 9. Zakona o radu u institucijama BiH („Službeni glasnik BiH“ broj: 26/04, 7/05, 48/05, 60/10, 32/13, 93/17, 59/22 i 88/23).

Svi kandidati koji se prijave na javni oglas pismenim putem će biti obaviješteni o rezultatima javnog oglasa, odnosno, izboru kandidata.

Rok za podnošenje prijava:

Krajnji rok za prijavu na javni oglas je **10 dana** od dana objavljivanja obavještenja o javnom oglasu u dnevnim novinama, odnosno integralnog teksta oglasa na web stranici NOSBiH-a.

Neblagovremeno dostavljene i nepotpune prijave neće se uzimati u razmatranje.

Prijave se mogu dostaviti lično ili preporučenom poštom na adresu: Nezavisni operator sistema u Bosni i Hercegovini, Ul. Hifzi Bjelevca 17, 71 000 Sarajevo s naznakom za konkretno radno mjesto:

01 "JAVNI OGLAS za popunjavanje radnog mjesta Stručni saradnik za projekte i studije - 1 izvršilac - NE OTVARATI"

Obavještenje o javnom oglasu objavljeno je u dnevnim novinama, a integralni tekst oglasa na web stranici Nezavisnog operatora sistema u Bosni i Hercegovini.